



دئموکراسی - چوخ گوروشلولوک

دئموکراسی (یونان دیلینده اولان دئموس «خالق-جماعت» وکراتوس «حاکمیت - قدرت» سوزلری نین بیرلشمه سینده ن یارانمیش، معناسی ایسه خالق حاکمیتی، یعنی دولت میللتین ایسته یی ایله حاکمیت ائدیر.) توپلوم بیللی یینه (سوسیولوژی - جامعه شناسی) عاید بیر سوزدور . بیزیم دیلیمیزه گیرمیش ، گئیش معنادا آزادلیق دئمک اولار. یعنی توپلومدا (جامعه ده) یاشایان اینسانلارین قانونلار چرچیوه سینده اوز حق و حقوقلارینا مالیک اولماق، آزاد دوشونوب، اونو یازیلی یاخود سوزده بیان ائتمکدیر. دئموکراتیک قوروملار، فیرقه لر، بیرلیکلر یاراداراق، دئموکراتیک حقوق دولتی نین حدودلاری چرچیوه سینده فعالیت گوسترمکدیر. باشقالاری نین ، باشقا جور دوشونملرین حقوقلارینی عایت ائتمک دئمکدیر. چوخلوغون سه سینه (رایینه) حورمته یاناشماقدیر. گوروندویو کیمی دئموکراسی - آزادلیق اولان بیر اولکه ده باسالار (قانونلار) توپلومون (جامعه نین) بوتون فردلری نین حاقلارینی مودافعه ائدیر. یعنی آزادلیق یالنیز بیر فرد، گورویا مربوط اولان شئی دئییلیر. او توپلومدا یاشایان بوتون وطنداشلار اوچون گئچه رلیدیر. خالفین سئجیدی حاکمیت ایسه بونلارین ایجرا سینی قارانتی ائدیر. بئله بیر قایدا و اصول هر توپلومدا اولورسا ، اورادا یاشایان اینسانلارین سایه قده رفیکیر و گوروشون اولماسی طبیعی سایه بیلر . بو گوروشلرین فرد یاشینا ایجرا سی مومکون اولما دیندن بیر - بیرلرینه یاخین گوروشلر چئشیدلی قوروملاردا (تشکیلاتلاردا) سیاسی فیرقه لرده ، بیرلیک لرده بیر آرایا گلیرلر. بونا ایسه چوخ گوروشلولوک یاخود پلورالیزم آدی وئرلمیشدیر. بئله بیر چوخ گوروشلو توپلومدا بو قوروم و فیرقه لر بیر- بیرلری نین گوروشلرینه - فیکیرلرینه سایقی و احتراملا یاناشیرلار. چونکی چئشیدلی گوروش و فیکیرلرین توققوشماسیندان یئنی فیکیرلر و دوشونجه لر اورتایا چیخار. دئموکراسی نین وارلیغی و یاشاماسیدا چوخ گوروشلولوکده دیر.

دوشونجه لر- فیکیرلر مطلق دئییلدیرلر. دوغادا (طبیعت ده) اولدوغو کیمی هر شئی گلشیپ ، تکامل تاپماقدادیر. فیکیرلر - گوروشلرده زمانلا گلشیرلر،

آنا یاسا نه دئییر ؟

۴) بیر میللت وکیلی حاقیندا ۲۱-نجی ماده یه گوره هرچئشید جزا داواسی، علئیهینده اویقولاناجاق هر توتوقلاما ، تعقیب، و باشقا هر جور شخصی آزادلیقلارینی محدودلاشدیرما ، ائل اوجاغی نین ایسته یی ایله کئچجی اولاراق قالدیریلایله.

۵۳- نجو ماده: شاهیدلیکن بویون قاجیرما حاقی

میللت وکیللری میللت وکیلی اولدوقلاریندان ویاخود بو صیفتی داشیدیقلا ریندان اوترو گووه نیب واقعییت لر حاقدا اونلار معلومات وئرهن شخصلره قارشى شاهد کئچمکدن بویون قاجیرما حاقلاری واردیر. بو حاقدا اولان یازیلار وسندلره ال قویماقدا یاساقدیر.

۵۴- نجو ماده: میللت وکیللری نین حاقلاری ، معاشلار

(۱) آذربایجان ائل اوجاغینا سئچیلک اوچون اوزونو نیشانلی (کاندید) ائده ن هرکس، سئچیمه حاضیرلیق آپارماسی اوچون گره کلی (لازیمی) مرخصلیغی ایسته یه بیلر .

(۲) هئچ بیر کیمسه نین (آدامین) میللت وکیلی اولماسینا، بو وظیفه نی اوزه رینه گوتورمه سینه وایجرا ائتمه سینه مانع چیلیک یاراتماق اولماز. بونا گوره ایشده ن آتیلما سی و یا اوزاقلاشدیریلما سی قدغن دیر.

(۳) هر بیر میللت وکیلی نین مادی (ائقتصادی - ائکونومیک) باغلی سیزلیغینی تامین ائده بیلر، ایشینه موناسیب بیر معاش آلماقا حاق قازانمیشدیر. دولتین بوتون داشیماجیلیق (نقلیه) وسایطیندن پولسوز یارالانما حاقی واردیر. موضوعون آیرینتیلارینی بیر آذربایجان عمومی یاساسی (قانونو) گوستریر.

آردی گله چک ساییدا

تکامل تاپیرلار. بوگون دوشونولن بیر گوروشون ایللر سونرا کئچه رلی اولوب- اولمایاجاغینی کسین لیکله دئمک مومکون دئییلیر. دوز یاخود یالنیش دا اولایله ر. باشقا بیر گوروش ، گوروشلر یئرینی آلا بیلر. بو او دئمکدیرکی، فیکیر و گوشده مطلقیت یوخدور. دوشونجه و فیکیرلره گوره بیر- بیرلرینه دوشمن کسینلک یئرسیزدیر. آتجاج گئیرجی لر (فوندامنتالیست لر) گوزو باغلی ایدولوژولار باغلی اولانلار مطلقیته اینانیرلار. بئله لیکله ده اوزلرینی همده یاشادیقلا ری توپلوملارینی گئریه - قهقرایا گوتوره بیلرلر.

چوخ گوروشلولوک حاکیم اولدوغو بیر توپلومدا اینسانلار صبرلی ، ایغمازلیدیرلار. اولارین

دوشونجه لرینه قارشى (ضید) اولانلار یاغی- دوشمن گوزو ایل یوخ ، باشقا دوشونجه لی بیر وطنداش کیمی باخیرلار. بیر- بیرلری ایله دوستلوقلاری اولوب، یوردداشجاسینا داریشمالار (بحث لر) آپاریرلار. بو داریشمالاردان مقصد قارشى طرفی اغنا ائتمک ، اونو اوز دوشونجه سینده ن اوزاقلاشدیرماغا چالیشماق دئییلدیر. عکسینه بیرى او بیرى نین فیکیرینی ، دوشونجه طرزینی اویره نمک ، یئنی دوشونجه لره ال تاپماق، تکامله گئتمکدیر. بو آنجاج آزاد محیطده - توپلومدا مومکوندور. دیکتاتورلارین ، تک یانلی فیکیرلرین حاکیم اولدوغو